

**MINISTARSTVO UNUTRAŠNJIH POSLOVA KANTONA SARAJEVO –
UPRAVA POLICIJE, La Benevolencija 16, koju zastupa policijski komesar,
Generalni inspektor policije Fatmir Hajdarević, (u daljem tekstu Ugovorni organ)**
i

**Visoka škola „CEPS – Centar za poslovne studije“ Kiseljak Ul. Josipa Bana Jelačića
bb, ID broj: 4236509320002, koju zastupa dr. sc. Mirzo Selimić prof. všt. - direktor,
(u daljem tekstu: Davaoc usluga),**

zaključili su:

UGOVOR O NABAVCI USLUGE STRUČNOG USAVRŠAVANJA POLICIJSKIH SLUŽBENIKA

Član 1.

Predmet ovog ugovora je pružanje usluga stručnog usavršavanja policijskih službenika Uprave policije Ministarstva unutrašnjih poslova Kantona Sarajevo kroz akademski program edukacije „ALERRT – Odgovor na aktivnog naoružanog napadača nivo 1 – (Obuka za trenere -TtT)“.

Član 2.

Pružanje usluga stručnog usavršavanja policijskih službenika se vrši na osnovu provedenog postupka dodjele ugovora za usluge iz Aneksa II Zakona o javnim nabavkama, a u skladu sa odredbama Pravilnika o postupku dodjele ugovora o uslugama iz Aneksa II Zakona o javnim nabavkama ("Službeni glasnik BiH", broj 2/23), a na osnovu Odluke broj 02-11-4-2860/24 od 18.01.2024. godine.

Sastavni dio ovog ugovora je ponuda Davaoca usluga od 13.11.2024. godine.

Član 3.

Ukupna ugovorena vrijednost za predmetne usluge iznosi 15.000,00 (petnaest hiljada i 00/100) KM bez uključenog PDV-om.

Cijene su fiksne i ne mogu se mijenjati za vrijeme važenja ovog ugovora.

Član 4.

Usluge stručnog usavršavanja iz člana 1. i 2. ovog ugovora će se izvoditi u prostorijama Davaoca usluga, a u ukupnom trajanju od 5 (pet) radnih dana.

Stručno usavršavanje će se održati u periodu od 18.11.2024. godine do 22.11.2024. godine.

Obuku će pohađati ukupno 5 (pet) policijskih službenika.

Član 5.

Usluge stručnog usavršavanja iz člana 1. i 2. ovog ugovora će se izvoditi od strane „Visoke škole „CEPS-Centar za poslovne studije“ Kiseljak koja je ovlaštena u periodu od 18.11. - 22.11.2024. godine od strane ALERRT Center - Texas State University organizirati obuku u svojim prostorijama po nastavnom planu i programu ALERRT programa, za program edukacije „ALERRT – Odgovor na aktivnog naoružanog napadača nivo 1 – (Obuka za trenere -TtT)“, sačinjen od petnaest modula:

1. Pregled kursa i administracija;
2. Reakcija/odgovor policije na incidente sa aktivnim naoružanim napadačem
3. Pristup i ulazak na mjesto napada
4. Unutrašnje kretanje i priprema za ulazak u prostoriju
5. Ulazak u prostoriju
6. Improvizovane eksplozivne naprave
7. Zaustavljanje umiranja/SIM – (Sigurnost, Incidenta komanda, Medicina)
8. Prolazak instruktora kroz ICS (Sistem Komandovanja Incidentima)
9. Provjera sigurnosti, kratak pregled scenarija
10. Zaključci, post-test, zadaci instruktorima
11. Izvođenje obuke zasnovane na stvarnim situacijama
12. Pregled modula 6 i 8 vođen od strane instruktora
13. Blok pastira (The Shepherd's block)
14. Pripreme za prezentaciju – Moduli 3, 4, 5 i 7
15. Zaključak kursa, kritike, konačni komentari instruktora.

Član 6.

Ugovorni organ se obavezuje da će Davaocu usluga prethodno, a prije dana početka održavanja, dostaviti spisak policijskih službenika koji će pohađati predmetno stručno usavršavanje.

Između ugovornih strana će se utvrditi koordinatori na organizaciji vršenja predmetnih usluga u roku od 3 (tri) dana od dana obostranog potpisivanja Ugovora.

Član 7.

Davalac usluga se obavezuje da će usluge stručnog usavršavanja policijskih službenika izvršiti blagovremeno, u svemu u skladu sa ponudom, koja je sastavni dio ugovora i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršenih usluga.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti proračunata zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

Član 8.

Učesnicima će se po završetku stručnog usavršavanja dodijeliti certifikat „Trener za trenere“ (TtT) o uspješno završenoj obuci.

Član 9.

Nakon izvršene usluge koja je predmet ovog ugovora vrši se kvalitativno – kvantitativna primopredaja usluga, uz sačinjavanje zapisnika o kvalitativnom i kvantitativnom prijemu. Zapisnik se izrađuje u 2 (dva) istovjetna primjerka, koji će sadržavati: datum, vrijeme i mjesto početka osposobljavanja, ime i prezime policijskih službenika koji su pristupili osposobljavanju, ime i prezime policijskih službenika koji su uspješno završili osposobljavanje i druge potrebne podatke.

Zapisnik o kvalitativnom i kvantitativnom prijemu potpisuju kordinatori ugovornih strana.

Član 10.

Ugovorni organ se obavezuje da će platiti račun/fakturu za uredno izvršene usluge iz člana 1. i člana 2. ovog ugovora, uz dostavljeni zapisnik o kvalitativnom i kvantitativnom prijemu izvršenih predmetnih usluga Davaocu usluga u roku od 30 (trideset) dana od dana prijema, na tekući račun Davaoca usluga.

Član 11.

Ukoliko Ugovorni organ ocijeni da Davalac usluga nije u stanju kontinuirano i kvalitetno izvršavati preuzete obaveze, odnosno ukoliko ponuđene usluge nisu u skladu sa datom ponudom iz člana 2. ovog ugovora, Ugovorni organ može jednostrano, bez saglasnosti Davaoca usluga, raskinuti ovaj ugovor.

Ugovorni organ zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Davaoca usluga.

Član 12.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 13.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 14.

Ugovorne strane su saglasne da se ovaj ugovor zaključi na određeno vrijeme. Ovaj ugovor je zaključen, kada isti potpišu obje ugovorne strane, a počinje važiti od datuma početka održavanja stručnog usavršavanja policijskih službenika dana 18.11.2024. godine i važi do završetka stručnog usavršavanja i izdavanja sertifikata o uspješno završenoj obuci, te izmirenja dužničko-povjerilačkih obaveza.

Član 15.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

DAVALAC USLUGA
Visoka škola "CEPS -
Centar za poslovne studije" Kiseljak

dr. Sc. Mirzo Selimić prof. vs. - Direktor

UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Fatmir Hajdarević

Broj: 2307/24
Datum: 14.11.2024. godine

Broj: 02-11-4-2860-5/24
Datum: 14.11.2024. godine